

826/21 756



Javno preduzeće "Grijanje" d.o.o. Zenica, Bilmišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

24-11-2021 401

| | |
|------------|----------|
| Redni broj | Br. |
| 12 | 11-24058 |

21

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK
PUTEM
SLUŽBE KABINETA GRADONAČELNIKA
72 000 ZENICA**

Zenica, 23.11.2021. godine

Vaš znak:

Naš znak: 1483-9/21

Predmet: SAGLASNOST NA ODLUKU, traži se

Poštovani,

U prilogu ovog dopisa dostavljamo Vam Odluku Nadzornog odbora Javnog preduzeća "Grijanje" d.o.o. Zenica o dopuni Odluke o cijeni isporučene toplotne energije za grijanje stambenog i poslovnog prostora grada Zenice u sezoni grijanja 2021./2022. godina, broj: 14183/21 od 28.10.2021. godine, radi davanja saglasnosti na istu.

Molimo da navedenu odluku predložite kao tačku dnevnog reda za narednu sjednicu Gradskog vijeća Zenica koja bude zakazana.

Prilog: Kao u tekstu.

S poštovanjem.



**Predsjednik
Nadzornog odbora**

[Signature]
mr.sc. Hasan Helvida, dipl.ecc.

DOSTAVITI:

- 1x Naslov
- ☒ 1x Stručna služba Gradskog vijeća Zenica
- 1x Služba za ekologiju, komunalne poslove
i mjesne zajednice Grada Zenica
- 1x Uprava Javnog preduzeća
"Grijanje" d.o.o. Zenica
- 1x Arhiva Nadzornog odbora



GRIJANJE

Javno preduzeće "Grijanje" d.o.o. Zenica, Bilmišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Na osnovu člana 21. Odluke o zagrijavanju stambenog i poslovnog prostora grada Zenice daljinskim grijanjem ("Službene novine općine i grada Zenica" br. 7/02, 6/13, 9/17 i 4/18), člana 31. i 34. Statuta Javnog preduzeća za proizvodnju i distribuciju toplote "Grijanje" d.o.o. Zenica, Nadzorni odbor Javnog preduzeća "Grijanje" d.o.o. Zenica na 9. redovnoj sjednici održanoj dana 28.10.2021. godine, d o n i o j e :

O D L U K U
O DOPUNI ODLUKE O CIJENI ISPORUČENE TOPLOTNE ENERGIJE ZA
GRIJANJE STAMBENOG I POSLOVNOG PROSTORA GRADA ZENICE U
SEZONI GRIJANJA 2021./2022.GODINE

Član 1.
(Predmet)

U Odluci Nadzornog odbora Javnog preduzeća "Grijanje" d.o.o. Zenica o cijeni isporučene toplotne energije za grijanje stambenog i poslovnog prostora grada Zenice u sezoni grijanje 2021./2022. godine, broj: 8584/21 od 29.06.2021. godine na koju je Gradsko vijeće Zenica dalo saglasnost Zaključkom broj: 01-45-15730/21 od 22.07.2021. godine u DIJELU III.- PROMJENA CIJENE GRIJANJA, dodaje se član 6. stav 2. koji glasi:

Član 6.

(2) Za vjerske i pripadajuće objekte koji se koriste za potrebe vjerskih objekata, odobrava se popust od 30 % na cijenu iz člana 4. i 5. ove odluke.

Član 2.
(Stupanje na snagu)

Ova odluka stupa na snagu danom donošenja, a primjenjivat će se od 01.12.2021. godine do okončanja sezone grijanja 2021./2022. godina, uz saglasnost Gradskog vijeća Zenica.

Broj: 14183/21
Zenica, 28.10.2021. godine



Predsjednik
Nadzornog odbora


mr.sci. Hasan Helvida, dipl.ecc.

DOSTAVITI:

- 1x Skupština-Gradonačelnik grada Zenica
- 1x Stručna služba Gradskog vijeća Zenica
- 1x Služba za ekologiju, komunalne i inspeksijske poslove
- 1x Nadzorni odbor Preduzeća
- 1x Uprava Preduzeća
- 1x Odbora za reviziju Preduzeća
- 3x Stručne službe Preduzeća
- 1x Arhiva Nadzornog odbora
- 1x Arhiva Uprave preduzeća

OBRASLOŽENJE

Dana 21.10.2021. godine, Odbor za međureligijsku saradnju u Zenici obratio se Javnom preduzeću "Grijanje" d.o.o. Zenica sa molbom da se iznađe rješenje za olakšice ili subvencionalno plaćanje za sve vjerske objekte i prateće objekte (prostore značajne za vjerske zajednice i crkve) koji podliježu plaćanju usluge grijanja uz obrazloženje da se vjerski objekti finansiraju isključivo donacijama i dobrovoljnim priložima vjernika i da zbog teške ekonomske situacije vjerske zajednice i crkve imaju značajne poteškoće u održavanju svojih vjerskih objekata.

Uzimajući u obzir predmetnu molbu i relevantne propise iz navedene oblasti t.j. Zakon o slobodi vjere i pravnom položaju crkava i vjerskih zajednica u Bosni i Hercegovini ("Službeni glasnik BiH", broj: 5/04), Zakon o komunalnim djelatnostima ("Službene novine Zeničko-dobojskog kantona" broj: 17/08 i 1/09), Odluku o zagrijavanju stambenog i poslovnog prostora grada Zenice daljinskim grijanjem ("Službene novine općine i grada Zenica" br. 7/02, 6/13, 9/17 i 4/18), Odluku Nadzornog odbora Javnog preduzeća "Grijanje" d.o.o. Zenica o cijeni isporučene toplotne energije za grijanje stambenog i poslovnog prostora grada Zenice u sezoni grijanja 2021./2022. godine, broj: 8584/21 od 29.06.2021. godine i Zaključak Gradskog vijeća Grada Zenica o davanju saglasnosti na Odluku o cijeni isporučene toplotne energije za grijanje stambenog i poslovnog prostora grada Zenica u sezoni grijanja 2021./2022. godine, broj: 01-45-15730/21 od 22.07.2021. godine, Uprava Javnog preduzeća "Grijanje" d.o.o. Zenica zaključuje, da se imajući u vidu svrhu namjene vjerskih objekata, način i izvore finansiranja potreba vjerskih objekata, međusobni odnosi mogu riješiti na način da se za potrebe vjerskih zajednica, odnosno vjerskih objekata i pripadajućih objekata koji se koriste za potrebe vjerskih objekata odobri popust od 30% na cijenu iz člana 4. i 5. Odluke Nadzornog odbora Javnog preduzeća "Grijanje" d.o.o. Zenica o cijeni isporučene toplotne energije za grijanje stambenog i poslovnog prostora grada Zenice u sezoni grijanja 2021./2022. godine, broj: 8584/21 od 29.06.2021. godine na koju je Gradsko vijeće Zenica dalo saglasnost Zaključkom broj: 01-45-15730/21 od 22.07.2021. godine.

Smatramo potrebnim napomenuti da popust od 30% na cijenu iz člana 4. i 5. naprijed pomenute odluke neće uticati na stabilnost poslovanja Javnog preduzeća "Grijanje" d.o.o. Zenica.

Shodno naprijed navedenom, predlažemo Nadzornom odboru da donese Odluku o dopuni Odluke o cijeni isporučene toplotne energije za grijanje stambenog i poslovnog prostora grada Zenice u sezoni grijanja 2021./2022. godine kao u prijedlogu.

U pilogu Vam dostavljamo:

1. Molbu Odbora za međureligijsku saradnju u Zenici od 21.10.2021. godine.
2. Odluku Nadzornog odbora Javnog preduzeća "Grijanje" d.o.o. Zenica o cijeni isporučene toplotne energije za grijanje stambenog i poslovnog prostora grada Zenice u sezoni grijanja 2021./2022. godine, broj: 8584/21 od 29.06.2021. godine.
3. Zaključak Gradskog vijeća Zenica o davanju saglasnosti na Odluku o cijeni isporučene toplotne energije za grijanje stambenog i poslovnog prostora grada Zenica u sezoni grijanja 2021./2022. godine, broj: 01-45-15730/21 od 22.07.2021. godine

PRILOG: Kao u tekstu.



Uprava
Javnog preduzeća "Grijanje" d.o.o. Zenica

Drino Vahdet, predsjednik Uprave

Abd. HORIC - NA NADZORU

MRV BiH - MPB BiH

MEĐURELIGIJSKO VIJEĆE U BOSNI I HERCEGOVINI
МЕЂУРЕЛИГИЈСКО ВИЈЕЋЕ У БОСНИ И ХЕРЦЕГОВИНИ
Interreligious Council in Bosnia and Herzegovina

CHIRAZ
broj: 13964, 20
datum: 20.10. 20

ODBOR ZA MEĐURELIGIJSKU SARADNJU U ZENICI
JP „GRIJANJE“ ZENICA

Poštovani,

Poznata Vam je činjenica da se vjerski objekti finansiraju isključivo donacijama i dobrovoljnim priložima naših vjernika. U ovoj teškoj ekonomskoj situaciji vjerske zajednice i crkve imaju značajne poteškoće u održavanju svojih vjerskih objekata. Ovi problemi nemaju vjerski niti nacionalni predznak, te Vas stoga u ime Odbora za međureligijsku saradnju u Zenici – Međureligijskog vijeća Bosne i Hercegovine molimo da pokušate iznaći rješenje za olakšice ili subvencionalno plaćanje za sve vjerske objekte.

Ova molba se odnosi na sve vjerske objekte i prateće objekte (prostore značajne za vjerske zajednice i crkve), koji podliježu plaćanju Vaše usluge – pružanju centralnog daljinskog grijanja.

Uz želju da se naša uspješna saradnja nastavi, šaljemo Vam srdačne pozdrave.

S poštovanjem,

Jakub-ef. Salkica, glavni imam
predsjedavajući Odbora za međureligijsku saradnju u Zenici



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

9838 29
12.08. 2021

Na osnovu člana 21. t. 26. i člana 116. stav (3) Statuta Grada Zenica („Službene novine Grada Zenica“, broj: 5/15), te člana 44. alineja 2) Poslovnika Gradskog vijeća („Službene novine Grada Zenica“, broj: 4/17 i 4/20), razmatrajući Odluku o cijeni isporučene toplotne energije za grijanje stambenog i poslovnog prostora grada Zenice u sezoni grijanja 2021./2022. godine, Gradsko vijeće Zenica, na 12. sjednici održanoj 22. jula 2021. godine, donijelo je

ZAKLJUČAK

o davanju saglasnosti na Odluku o cijeni isporučene toplotne energije za grijanje stambenog i poslovnog prostora grada Zenice u sezoni grijanja 2021./2022. godine

I

Daje se saglasnost na Odluku Nadzornog odbora Javnog preduzeća „Grijanje“ d.o.o. Zenica o cijeni isporučene toplotne energije za grijanje stambenog i poslovnog prostora grada Zenice u sezoni grijanja 2021./2022. godine, broj: 8584/21 od 29.06.2021. godine.

II

Ovaj zaključak stupa na snagu danom donošenja.

Broj: 01- 45-15730 /21
Zenica, 22.07.2021. godine



PREDSEDAVAJUĆI
GRADSKOG VIJEĆA ZENICA

Mirza Husetić

DOSTAVLJENO:

1x Gradonačelnik,

(putem Službe kabineta Gradonačelnika)

1x Služba za ekologiju, komunalne poslove i mjesne zajednice,

1x JP "Grijanje" d.o.o. Zenica,

1x Stručna služba Gradskog vijeća,

1x a/a.

**JAVNO PREDUZEĆE "GRIJANJE" d.o.o. ZENICA
- NADZORNI ODBOR -**

Broj: 8584 /21.

Zenica, 29.06.2021. godine

Na osnovu člana 21. Odluke o zagrijavanju stambenog i poslovnog prostora grada Zenice daljinskim grijanjem ("Službene novine općine i Grada Zenica" br.7/02,6/13,9/17 i 4/18), člana 31. i 34. Statuta Javnog preduzeća za proizvodnju i distribuciju toplote "Grijanje" d.o.o. Zenica i Zaključka Gradskog vijeća Zenica o usvajanju Programa organizovanja sezone grijanja 2021/2022.godina, broj: _____ od _____ godine, Nadzorni odbor Javnog preduzeća "Grijanje" d.o.o. Zenica na 5. redovnoj sjednici održanoj dana 29.06.2021. godine, d o n i o j e:

**O D L U K U
O CIJENI ISPORUČENE TOPLOTNE ENERGIJE
ZA GRIJANJE STAMBENOG I POSLOVNOG PROSTORA GRADA
ZENICE U SEZONI GRIJANJA 2021/2022.GODINE**

DIO I. - OSNOVNE ODREDBE

**Član 1.
(Predmet)**

Ovom odlukom utvrđuje se cijena isporučene toplotne energije (u daljem tekstu: cijena grijanja) za grijanje stambenog i poslovnog prostora grada Zenice proizvedene na postrojenjima „TOPLANA ZENICA“ d.o.o. ZENICA i TOPLANI NEMILA, način naplate, promjena cijene, mjesto plaćanja, troškovi intervencija, kao i postupci zaštite sistema daljinskog grijanja u sezoni grijanja 2021/2022. godina.

DIO II. - CIJENA GRIJANJA

POGLAVLJE 1. – CIJENA GRIJANJA ZA STAMBENI PROSTOR

**Član 2.
(Cijena grijanja stambenog prostora bez mjerača toplotne energije-kalorimetra)**

(1) Cijena grijanja stambenih prostora u kojima nije ugrađen mjerač toplote (u daljem tekstu: kalorimetar) iznosi $2,40 \text{ KM/m}^2$ mjesečno (mjesec=30 dana), odnosno $0,07869 \text{ KM/m}^2$ dnevno, bez poreza na dodatnu vrijednost i plaća se za vrijeme isporuke toplotne energije u sezoni 2021/2022.godina.

(2) Ukoliko potrošač plaća isporučenu toplotnu energiju na dvanaest mjeseci, cijena grijanja stambenog prostora gdje nije ugrađen kalorimetar iznosi $1,20 \text{ KM/m}^2$ mjesečno, odnosno $0,03945 \text{ KM/m}^2$ dnevno, bez poreza na dodatnu vrijednost i primjenjuje se u sezoni 2021/2022. godina.

(3) Umnožak površine stana (m^2) i jedinične cijene ($2,40 \text{ KM/m}^2$ ili $1,20 \text{ KM/m}^2$), odnosno umnožak površine stana (m^2) i jedinične-dnevne cijene ($0,07869 \text{ KM/m}^2$ ili $0,03945 \text{ KM/m}^2$) i broja dana u mjesecu, uvećan za porez na dodatnu vrijednost predstavlja mjesečnu cijenu, odnosno mjesečno zaduženje koje plaća potrošač.

**Član 3.
(Cijena grijanja stambenog prostora sa mjeračem toplotne energije-kalorimetrom)**

(1) Cijena grijanja stambenog prostora u kojem se količina isporučene toplotne energije mjeri kalorimetrom iznosi $94,36 \text{ KM/MWh}$ bez poreza na dodatnu vrijednost za grad Zenica i za MZ „Nemila“.

(2) Ukupnu mjesečnu cijenu grijanja stambenog prostora za grad Zenica u kojem se količina isporučene toplotne energije mjeri kalorimetrom čini zbir cijene isporučene toplotne energije mjerene kalorimetrom i fiksnog troška-paušala koji iznosi 10% umnoška jedinične cijene grijanja ($2,40 \text{ KM/m}^2$) iz člana 2. stav (1) ove odluke i površine stambenog prostora, uvećanu za porez na dodatnu vrijednost i plaća se za vrijeme isporuke toplotne energije.

(3) Mjesečnu cijenu grijanja stambenog prostora u kojem se količina isporučene toplotne energije mjeri kalorimetrom u MZ Nemila čini umnožak cijene iz stava (1) ovog člana i količine isporučene toplotne energije u MWh mjerene kalorimetrom uvećanu za porez na dodatnu vrijednost.

POGLAVLJE 2. – CIJENA GRIJANJA ZA POSLOVNI PROSTOR

Član 4.

(Cijena grijanja poslovnog prostora bez mjerača toplotne energije-kalorimetra)

(1) Cijena grijanja poslovnog prostora u kojima nije ugrađen kalorimetar za sezonu 2021/2022. godina iznosi 4,00 KM/m² mjesečno, odnosno 0,13334 KM/m² dnevno bez poreza na dodatu vrijednost.

(2) Umnožak površine poslovnog prostora (m²) i jedinične-dnevne cijene (0,13334 KM/ m²) i broja dana u mjesecu, uvećan za porez na dodatu vrijednost predstavlja mjesečnu cijenu, odnosno mjesečno zaduženje koje plaća potrošač.

Član 5.

(Cijena grijanja poslovnog prostora sa mjeračem toplotne energije-kalorimetrom)

(1) Cijena grijanja poslovnog prostora u kojem se količina isporučene toplotne energije mjeri kalorimetrom iznosi 115,32 KM/MWh bez poreza na dodatu vrijednost za grad Zenica i za MZ „Nemila“.

(2) Ukupnu mjesečnu cijenu grijanja poslovnog prostora za grad Zenica u kojem se količina isporučene toplotne energije mjeri kalorimetrom čini zbir cijene isporučene toplotne energije mjerene kalorimetrom i paušala koji iznosi 10% umnoška jedinične cijene grijanja poslovnog prostora (4,00 KM/m²) i površine poslovnog prostora, uvećanu za porez na dodatu vrijednost i plaća se za vrijeme isporuke toplotne energije.

(3) Mjesečnu cijenu grijanja poslovnog prostora u kojem se količina isporučene toplotne energije mjeri kalorimetrom u MZ Nemila čini umnožak cijene iz stava (1) ovog člana i količine isporučene toplotne energije u MWh mjerene kalorimetrom uvećanu za porez na dodatu vrijednost.

DIO III. – PROMJENA CIJENE GRIJANJA

Član 6.

(Promjena cijene grijanja)

Javno preduzeće “Grijanje” d.o.o. Zenica može u toku sezone grijanja povećati, odnosno smanjiti cijenu grijanja utvrđene u članu 2., 3., 4. i 5. ove odluke, ukoliko od dana određivanja cijene dođe do povećanja, odnosno smanjenja cijene proizvodnje toplotne energije, električne energije ili do produženja sezone grijanja, srazmjerno njihovom učešću u strukturi troškova proizvedene i isporučene toplotne energije, a po odluci Gradskog vijeća Zenice.

DIO IV. – PLAĆANJE CIJENE GRIJANJA

Član 7.

(Obaveza plaćanja cijene grijanja)

(1) Cijenu grijanja plaća isključivo vlasnik stambenog, odnosno poslovnog prostora.

(2) Izuzetno, cijena grijanja se može naplaćivati i od korisnika stambenog, odnosno poslovnog prostora ukoliko isti sa Javnim preduzećem “Grijanje” d.o.o. Zenica zaključi ugovor o isporuci toplotne energije.

Član 8.

(Mjesto plaćanja)

Plaćanje računa grijanja potrošači obavljaju na naplatnim mjestima u ul. Branilaca Bosne br. 2, u Upravi Javnog preduzeća “Grijanje” d.o.o. Zenica, ul. Bilmišće broj 107, Zajednička naplatna mjesta: Bulevar Kulina bana bb (Stadion), ul. Muhameda Seida Serdarevića br. 1 (Stara pijaca), ul. Prve zeničke brigade br. 3 i ul. Begagića put br. 8 (ViK), kao i u poslovnim bankama na transakcijske račune koji su navedeni na računima (Union banka bez plaćanja provizije).

DIO V. - PLAĆANJE TROŠKOVA HITNIH INTERVENCIJA I TEKUĆEG ODRŽAVANJA

Član 9.

(Troškovi hitnih intervencija i tekućeg održavanja)

(1) Troškove hitnih intervencija i tekućeg održavanja za stambene zgrade plaćaju Kućni savjeti ili Upravitelji, a u stambenim zgradama, gdje nije zaključen Ugovor o održavanju zajedničkih dijelova i uređaja zgrade sa Upraviteljem, troškove snosi potrošač.

(2) U stambenim zgradama troškove hitnih intervencija na otklanjanju kvarova na instalacijama centralnog grijanja, koje pripadaju samo stanu, snosi vlasnik stana prema važećem cjenovniku.

Član 10.

(Oslobađanje od plaćanja dolaska i rada dežurne ekipe)

Potrošačima sa stambenim prostorom koji nemaju duga, što dežurnoj ekipi dokazuju zadnjim plaćenim računom, neće se naplaćivati dolazak dežurne ekipe i rad na progrijavanju grijnog tijela ozračivanjem i rad na dopunjavanju instalacije daljinskog grijanja toplom vodom u sezoni grijanja 2021/2022.godina.

DIO VI. - ZAŠTITA PROIZVODNJE I DISTRIBUCIJE TOPLOTNE ENERGIJE

Član 11.

(Zaštita proizvodnje u MZ „Nemila“)

U slučaju da potrošnja toplotne energije potrošača u MZ „Nemila“ u toku mjeseca bude ispod 20% od priključne toplotne snage stambenog odnosno poslovnog prostora, obračun isporučene toplotne energije se vrši u visini od 20% od priključne snage.

Član 12.

(Isključenje zbog nenamjenskog korištenja)

Postupci i radnje potrošača koji ugrožavaju tehničko-tehnološke uslove proizvodnje i distribucije toplotne energije sankcionisat će se isključenjem objekata sa mreže daljinskog grijanja, a naročito u slučaju bespravnog priključenja na sistem daljinskog grijanja ili na izvore napajanja električnom energijom toplotnih podstanica kao i priključenje bojlera na toplovodnu mrežu, te pokretanjem prekršajnog ili krivičnog postupka i postupka za naknadu štete.

Član 13.

(Isključenje zbog neplaćanja)

Potrošačima koji svoje tekuće mjesečne obaveze po osnovu grijanja ne budu izmirivali tri mjeseca uzastopno, preduzeće može izvršiti isključenje grijanja, u skladu sa Zakonom o komunalnoj djelatnosti Zeničko-dobojskog kantona („Službene novine Zeničko-dobojskog kantona“ br. 17/08 i 9/11).

Član 14.

(Uskraćivanje grijanja poslovnom prostoru)

Potrošačima sa poslovnim prostorom, uskratit će se isporuka toplotne energije, ukoliko ne zaključe Ugovor o isporuci toplotne energije za sezonu grijanja 2021/2022. godina.

DIO VII. - ZAVRŠNE ODREDBE

Član 15.

(Rok za podnošenje zahtjeva za isključenje)

(1) Potrošači koji ne žele usluge grijanja pod uslovima utvrđenim ovom odlukom mogu, podnijeti Javnom preduzeću "Grijanje" d.o.o. Zenica pismeni zahtjev za isključenje sa mreže daljinskog grijanja na način i u roku predviđen članom 58. Odluke o zagrijavanju stambenog i poslovnog prostora grada

Zenice daljinskim grijanjem i Uslovi za isporuku i preuzimanje toplotne energije iz vrl vodne mreže ("Službene novine općine i Grada Zenica" br.7/02,6/13,9/17 i 4/18).

(2) Troškove isključenja sa mreže daljinskog grijanja snosi potrošač.

Član 16.
(Primjena Odluke)

Ova odluka se primjenjuje počev od 01.07.2021. godine pa do 30.06.2022. godine.

Član 17.
(Zaduženje za realizaciju)

Za realizaciju ove odluke zadužuju se stručne službe Javnog preduzeća "Grijanje" d.o.o. Zenica.

Član 18.
(Stupanje na snagu)

Ova odluka stupa na snagu danom donošenja, a primjenjivat će se u sezoni grijanja 2021/2022. godina, uz saglasnost Vijeća Grada Zenice.



**Predsjednik
Nadzornog odbora**

mr.sci.Hasan Helvida, dipl.ecc.

Dostavljeno:

- 1x Skupština-Gradonačelnik grada Zenica
- 1x Stručna služba Gradskog vijeća
- 1x Služba za ekologiju, komunalne i inspeksijske poslove
- 3x Članovi Nadzornog odbora JP "Grijanje" d.o.o. Zenica
- 3x Uprava preduzeća
- 1x Odbor za reviziju
- 3x Stručne službe Preduzeća
- 1x Arhiva Nadzornog odbora
- 1x Arhiva Uprave preduzeća